

201612027



SÍMEY – Dalvíkurbyggð



Samkomulag um námsver á Dalvík

1. gr.

Samningsaðilar

Dalvíkurbyggð kt. 620598-2089 og Símenntunarmiðstöð Eyjafjarðar (SÍMEY) kt. 660900-2090 gera með sér samkomulag um rekstur námsvers á Dalvík.

2. gr.

Markmið

Markmið samnings þessa eru:

- að vinna markvisst að uppbyggingu námsversins á Dalvík sem miðstöðvar símenntunar við utanverðan Eyjafjörð.
- að efla símenntun og auka framboð námskeiða á starfsvæði SÍMEY, með áherslu á Dalvíkurbyggð og Fjallabyggð.
- að bjóða uppá aðstöðu til fjarnáms fyrir einstaklinga og hópa
- að bjóða uppá námsaðstöðu fyrir framhalds- og háskólanema
- að vinna með fyrirtækjum að aukinni menntun og fagþekkingu starfsmanna
- að auka þjónustu námsráðgjafa við einstaklinga og fyrirtæki
- að boðið sé upp á aðstöðu til að taka fjarpróf við námsverið

3. gr.

Starfsmenn, aðstaða og búnaður

SÍMEY leggur til verkefnastjóra í 50- 100% starfshlutfalli í námsverinu, í samræmi við starfsemi og verkefni á samningstímanum.

Námsverið er nú í Gamla skóla við Skíðabraut. Á samningstímanum (haust 2017) mun starfsemin flytjast í Víkurröst. Dalvíkurbyggð merkir húsnæðið með greinilegum hætti, rekur það og leggur til aðstöðu, tvær kennslustofur og aðstöðu fyrir starfsmann. SÍMEY hefur einnig aðgengi að öðrum hluta húsnæðis í samráði við m.a. Tónlistarskólann og eins mun Tónlistarskólinn hafa aðgengi að húsnæði SÍMEY í samráði við SÍMEY. Dalvíkurbyggð leggur til nauðsynlegan búnað og tengingar í námsveri fyrir SÍMEY með aðgengi að FS-neti.

4. gr.

Fjármögnun og kostnaður

Samningsaðilar munu vinna saman að fjármögnun námsversins en SÍMEY greiðir laun og annan rekstrarkostnað að öðru leyti en því að Dalvíkurbyggð leggur til vinnuaðstöðu starfsmanns og rekur húsnæðið. Fjármagn til rekstrar kemur af framlögum til SÍMEY, styrkjum vegna sérverkefna og tekjum vegna námskeiðahalds.

[Handwritten signature]

**5. gr.
Gildistími**


Samningur þessi gildir frá og með undirskrift samnings og til ársloka 2020 en er uppsegjanlegur með þriggja mánaða fyrirvara og þá þannig að samningsslit miðist við 1. ágúst eða 1. janúar. Samninginn er heimilt að endurskoða eftir eitt ár ef báðir aðilar eru sammála um það.

Samningur þessi er gerður í tveimur samhljóða eintökum.

18.
Dalvík 16.01.2017



Hlynur Sigursveinsson
Sviðsstjóri fræðslu- og menningarmála
Dalvíkurbyggð



Valgeir B. Magnússon
Framkvæmdastjóri SÍMEY